

右造式所起請僭太政官去延曆廿年十二月十三日符云職事諸王上日不滿應預王祿但不直本司經二季已上量情可責宜解見任者案職制律云以官當徒者六位以下以一官當徒一年仍解見任者今檢此律六位以下諸王不上卅五日以上自須官當解任而官符二季以上乃可解任此乖法意加以解官之罪於事不輕而無奉勅字若爲處分者大納言正三位兼行左近衛大將陸奧出羽按察使藤原朝臣宣奉勅宜改先符經百廿日不直者解却見任永爲恒例

弘仁十年十二月廿一日

〔三代實錄清和〕貞觀七年二月二日甲寅從四位上行伊豫守豐前王卒○中先是諸王自二世至四世賜夏冬衣服不限人數隨年數符出多少賜之或至五六百人是時載簿進官者四百餘人豐前上疏曰諸王給服人數不定徒費帑藏何無紀極望請以當時所在爲定數隨闕補之不聽輒過從之

〔三代實錄清和〕貞觀十二年二月廿日壬寅公卿奏請減諸王季祿兼立給祿定額曰政因時興機隨物動王者詳沿革之理聖人審變通之規卽知字民之道不必守株經國之方无復膠柱者也伏見故從四位上豐前王等意見表曰利國之故節用爲先今府帑稍定貢賦少入當停諸王之祿存救弊之計者臣等商量上表之旨頗有可取但專停之則似疎皇親全給之則可闕國用取捨之方宜勤折中又王氏蕃昌萬倍曩日計其祿賜所費難支伏望當時預祿者四百二十九人爲定員後生年足者隨闕補之但自願賜姓屬籍者不以爲闕重以去年炎旱農民失望聖上撤服御常膳群下減食封位祿而至于王祿依舊不悛求諸通論政涉踳駁事須准之位祿同從減折然則適時之要理无二途濟世之權事從一揆謹錄事狀伏聽天裁奏可

〔三代實錄光孝〕元慶八年六月二日辛卯無位源朝臣舊鑿源朝臣是貞源朝臣國紀源朝臣諱○字多源朝臣香泉源朝臣友貞從四位下源朝臣簡子無位源朝臣遲子源朝臣麗子源朝臣奇子源朝臣緩子源朝臣崇子源朝臣連子源朝臣禮子源朝臣綏子源朝臣最子源朝臣默子源朝臣是子源朝臣並